



Cain, fin di frut, nol veve mai sopuartât di vê un fradi. A pene nassût Abêl al jere zelôs di lui e plui voltis al veve pensât di scjafoiâlu. Viodint che sô mari e figotave di plui Abêl che lui, al cirive di fâi dispiets plui che al podeve. Cuant che Eve e jere fûr di cjase, Cain nol mancjave ocasion par tirâi lis oreglutis o dai picjadis fin a fâlu vaî. Eve, cun l'om no jere plui tant in buinis par vie che dopo de storie dal sarpint e dal miluç, a Adam i tocjave lavorâ come un mus par meti dongje il gustâ cun la cene, cussì lui nol voleve plui savênt di jê. Par chest Eve e jere une vore tacade al piçul e i dave dut l'afiet che e varès volût de bande di Adam. Cussì i doi fradis a vegnin sù in cheste famee mal cumbinade. Abêl, di caratar dolç e ubidient, al jere dut l'incontrari di Cain, che al jere simpri trist e rabiôs e nol mancjave mai di dâ la colpe a so fradi, des malefatis che al cumbinave lui. Adam, simpri a vore pe campagne, cuant che a sere al tornave dongje, strac, nol veve voie di fotis e al lassave che cui fîs sa la distrigàs Eve.

Cain, diventât om, nol veve mai smetût di odeâ so fradi e al spietave simpri la ocasion juste par gjavâlu des spesis. Une biele dì, profitant dal fat che i gjenitôrs a jerin intai cjamps, cuntune scuse al invide Abêl a lâ cun lui echel, cence suspietâ nuie al va. Rivâts intal bosc, Cain, a pene che Abêl al è voltât, ai da cun la sape sul cjâf e lu cope. Tornât dongje, Cain, fasint fente di jessi une vore displasût, al conte ai gjenitôrs che intal bosc al jere saltât fûr un ors e cuntune çatade al veve copât Abêl e lui al jere rivât a scjampâ par miracul. Eve,

robis che e deventi mate pal dolôr, ma i tocje rassegnâsi e e reste cun chel fi malegraciôs e cun l'om che intal jet no la tocje nancje cuntun dêt. Une dì i ven un pinsîr intal cjâf: "Ce aio di vê fat di mâl par vê dutis chestis disgraciis?", "Che al centri il miluç?".

***di Pauli Jacuss***